



## Manual de usuario de PyF1

PyF1 é un programa destinado ao uso persoal dos seareiros da Fórmula 1. O cometido do programa é xestionar e facilitar a consulta da información relevante de diversas temporadas da competición: equipos, pilotos, grandes premios, resultados...

### ***Mantemento de temporadas***

#### **Creación de temporadas**

Para crear unha temporada abra o programa, e na pantalla inicial prema no botón “Modificar temporada”. Na fiestra que aparece prema no botón “Engadir”.

Cubra os campos que se lle piden na fiestra que se abre. Non esqueza definir as regras de puntuación da temporada premendo no botón “Definir as regras de puntuación da temporada”, engadindo as regras que desexe e premendo no botón “Gardar” cando remate de definilas.

Cando remate a introdución de todos os datos necesarios para crear a temporada prema no botón “Gardar”.

#### **Borrado de temporadas**

Para borrar unha temporada abra o programa, e na pantalla inicial prema no botón “Modificar temporada”. Na fiestra que aparece seleccione na lista de temporadas a temporada que desexa borrar e prema no botón “Borrar”.

#### **Modificación de temporadas**

Para modificar unha temporada abra o programa, e na pantalla inicial prema no botón “Modificar temporada”. Na fiestra que aparece seleccione na lista de temporadas a temporada que desexa modificar e prema no botón “Editar”. A continuación modifique os datos da temporada seleccionada na fiestra que se abre, sen esquecer os datos referentes á lista das regras de puntuación da temporada<sup>1</sup>. Cando remate as modificacións prema no botón “Gardar”.

### ***Mantemento de pilotos***

#### **Creación de pilotos**

Para crear un piloto abra o programa, e na pantalla inicial prema no botón “Modificar piloto”. Na fiestra que aparece seleccione na lista despregábel de temporadas a temporada na que desexe crear o piloto e prema no botón “Engadir”.

Cubra os campos que se lle piden na fiestra que se abre. Non esqueza definir o equipo do piloto premendo no botón “Cambiar o equipo actual”, seleccionando da lista que aparece o equipo que desexe e premendo no botón “Gardar”.

---

<sup>1</sup> Consulte o epígrafe “Creación de temporadas” para ver como pode facelo.

Cando finalice a introdución dos datos requiridos prema no botón “Gardar”.

### **Borrado de pilotos**

Para borrar un piloto abra o programa, e na pantalla inicial prema no botón “Modificar piloto”. Na fiestra que aparece seleccione na lista despregábel de temporadas a temporada na que está o piloto que desexa eliminar. Prema no botón “Aplicar”, seleccione na lista de pilotos o piloto que desexa borrar e prema no botón “Borrar”.

### **Modificación de pilotos**

Para modificar un piloto abra o programa, e na pantalla inicial prema no botón “Modificar piloto”. Na fiestra que aparece seleccione na lista despregábel de temporadas a temporada á que pertence o piloto que desexa eliminar e prema no botón “Aplicar”. Seleccione na lista de pilotos o piloto que desexa modificar e prema no botón “Editar”. A continuación modifique os datos do piloto seleccionado<sup>2</sup> na fiestra que se abre, e cando remate as modificacións prema no botón “Gardar”.

### **Cambio de equipo**

Para cambiar o equipo ao que pertence un piloto abra o programa, e na pantalla inicial prema no botón “Modificar piloto”. Na fiestra que aparece seleccione na lista de pilotos o piloto que desexa cambiar de equipo e prema no botón “Editar”. A continuación prema no botón “Cambiar o equipo actual”, seleccione na lista que aparece o equipo ao que desexe cambiar o piloto e prema no botón “Gardar”. Volva premer no botón “Gardar”.

### **Mantenemento de grandes premios**

#### **Creación de grandes premios**

Para crear un gran premio abra o programa, e na pantalla inicial prema no botón “Modificar gran premio”. Na fiestra que aparece seleccione na lista despregábel a temporada na que desexa engadir o novo gran premio e prema no botón “Aplicar”. A continuación prema no botón “Engadir”.

Cubra os campos que se lle piden na fiestra que se abre. Cando remate a introdución de todos os datos necesarios para crear a temporada prema no botón “Gardar”.

#### **Borrado de grandes premios**

Para borrar un gran premio abra o programa, e na pantalla inicial prema no botón “Modificar gran premio”. Na fiestra que aparece seleccione na lista despregábel a temporada á que pertence o gran premio que desexa eliminar e prema no botón “Aplicar”. Seleccione na lista de grandes premio o gran premio que desexa borrar e prema no botón “Borrar”.

#### **Modificación de grandes premios**

Para modificar un gran premio abra o programa, e na pantalla inicial prema no botón “Modificar gran premio”. Na fiestra que aparece seleccione na lista despregábel a temporada á que pertence o gran premio que desexa modificar e prema no botón “Aplicar”. Seleccione na lista de grandes premios o gran premio que desexa modificar e prema no botón “Editar”. A continuación modifique os datos do gran premio seleccionado na fiestra que se abre, e cando remate as modificacións prema no botón “Gardar”.

---

<sup>2</sup> Non esqueza cambiar o equipo ao que pertence o piloto premendo no botón “Cambiar o equipo actual” se o desexa

## ***Introducir resultados de gran premio***

Abra o programa e prema no botón “Introducir resultados”. Na fiestra que aparece seleccione na lista despregábel de temporadas a temporada á que pertence o gran premio ao que lle desexa introducir os resultados e seleccione na lista despregábel de grandes premios o gran premio ao que lle desexa introducir os resultados e prema no botón “Aplicar”. Defina na lista que piloto queda en cada posición, e cando remate prema no botón “Gardar”.

## ***Consulta de resultados***

### **Consulta de resultados de campionato de pilotos**

Para consultar os resultados do campionato de pilotos abra o programa, e na pantalla inicial prema no botón “Ver os resultados”. Na fiestra que aparece seleccione a temporada que desexe consultar na lista despregábel de temporadas. A continuación seleccione “Campionato de pilotos” na lista despregábel “Piloto/Equipo/GP/Calendario” e prema no botón “Aplicar”.

### **Consulta de resultados de campionato de equipos**

Para consultar os resultados do campionato de equipos abra o programa, e na pantalla inicial prema no botón “Ver os resultados”. Na fiestra que aparece seleccione a temporada que desexe consultar na lista despregábel de temporadas. A continuación seleccione “Campionato de equipos” na lista despregábel “Piloto/Equipo/GP/Calendario” e prema no botón “Aplicar”.

### **Consulta de resultados de calendario de competición**

Para consultar os resultados do calendario de competición abra o programa, e na pantalla inicial prema no botón “Ver os resultados”. Na fiestra que aparece seleccione a temporada que desexe consultar na lista despregábel de temporadas. A continuación seleccione “Calendario de competición” na lista despregábel “Piloto/Equipo/GP/Calendario” e prema no botón “Aplicar”.

### **Consulta de resultados por piloto e carreira**

Para consultar os resultados por piloto e carreira abra o programa, e na pantalla inicial prema no botón “Ver os resultados”. Na fiestra que aparece seleccione a temporada que desexe consultar na lista despregábel de temporadas. A continuación seleccione “Carreiras” na lista despregábel “Piloto/Equipo/GP/Calendario” e escolla o gran premio que desexe na lista despregábel “Gran premio”. Prema no botón “Aplicar”.